



Broj: 04-40-1-311/24
Sarajevo, 07.11.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 06.11.2024. do 08:30 sati 07.11.2024. godine**

U izvještajnom periodu Kantonalni operativni centar civilne zaštite zaprimio je jednu informacije o pronalasku NUS-a i to dana 06.11.2024. godine u 12:25 sati, od Općinske službe civilne zaštite Ilijaš, da se u njihovom magacinu nalazi jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su jednu intervenciju na gašenju kabastog otpada na otvorenom prostoru.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije.

a) Lokalitet "Curine njive" – Opština Istočni Stari Grad i Opština Stari Grad (Bostarići)

Izlaskom na lice mjesta u toku dana 06.11.2024.godine uočeno je da su na terenu i dalje prisutne duboke pukotine te da dolazi do pojave oticanja vode iznad lokaliteta "Curine njive-igralište" (dio Opštine Istočni Stari Grada Sarajevo).

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Trebević Hills" (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa padina Trebevića. Na predmetnom lokalitetu ne vrši se odlaganja nove količine zemljanog i kamenog materijala.

Izlaskom na lice mjesta dana 06.11.2024.godine uposlenici Službe civilne zaštite Općine Stari Grad Sarajevo utvrdili su da je od strane Opštine Istočni Stari Grad kao hitna mjera, izvršeno prokopavanje dijela rigola te zatvaranje dijela propusta koji su trenutno na terenu otvoreni, kako se stanje na terenu ne bi dodatno pogoršalo uslijed eventualnih padavina. Uposlenici Službe civilne zaštite Općine Stari Grad Sarajevo su uočili da je tokom njihovih kontinuiranih obilazaka terena, došlo do nastavka nelegalnog odlaganja građevinskog materijala u neposrednoj blizini padine koja je detektovana kao uzrok pojave klizišta, što predstavlja dodatnu opasnost za eventualno pokretanje tla zbog dodatnog pritiska. S tim u vezi Služba civilne zaštite obavijestila je Odjeljenje za inspekcijske poslove Grad Istočno Sarajevo, kako bi isti poduzeli hitne mjere iz svoje nadležnosti.

b) Lokalitet Bistrički potok – Općina Stari Grad (Boguševac) i Opština Istočni Stari Grad

Izlaskom na lice mjesta dana 06.11.2024.godine uočeno je da je i dalje djelimično zasuto korito Bistričkog potoka, materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

c) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine.

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine, uposlenici Službe civilne zaštite i Službe za poslove mjesnih zajednica Općine Stari Grad Sarajevo u toku dana 06.11.2024.godine obišli su predmetni lokalitet i stambene objekte te upoznali su građane o svim daljnjim aktivnostima koje će biti poduzete od strane Općinskog štaba civilne zaštite i Službe civilne zaštite Općine Stari Grad Sarajevo u skladu sa Naredbom Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad kao i Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024.godine.

Postupajući po Naredbi Štaba civilne zaštite Kantona Sarajevo o evakuaciji stanovništva sa sa ugroženog područja Općine Stari Grad, broj: 08-40-1128-2/24 od 01.11.2024.godine, Općinski Štabovi civilne zaštite Centar Sarajevo, Novo Sarajevo i Novi Grad Sarajevo, kao i službe civilne zaštite navedenih općina, su u toku dana 06.11.2024.godine u sklopu redovnih aktivnosti pružili neophodnu stručnu podršku Službi civilne zaštite Općine Stari Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 0°C, vlažnost zraka 96%, barometarski pritisak 957,8 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a